

江西通志稿

第八九册

江西通志

卷一百一十五

戴相國神通碑

清包世臣

公諱均元字修原號可亭姓戴氏江西大庾縣人也戴氏祖南唐
柱國忠恭公世居安徽休甯縣之隆阜紫竹園二十五傳至公曾
祖諱洪度自隆阜遷江蘇甘泉縣之西浮橋戴家村祖諱時懋携
二子旅食大庾考諱珮始著籍為貢生自考以上三世俱贈光祿
大夫曾祖妣湯祖妣傅周梁嫡妣溫妣江俱贈一品夫人國家求
舊多世德常熟蔣氏桐城張氏漳浦蔡氏陽湖諸城兩劉無錫嵇
氏大庾戴氏皆繼世入相常熟桐城漳浦諸城無錫以父子陽湖
大庾則叔姪然自憲廟設立軍機處為政府內閣唯受已成事是
故班首百寮而不入軍機與值軍機而官在尚書以下者猶皆不
得為真相常熟兩相在未設軍機處以前桐城後再世閣臣值軍
機者唯大庾而已睿廟時輔政之久莫如文端公而公為其季父
文端公之父諱第元官太僕寺少卿者實公伯兄文端公之兄心
亨與公同以乾隆乙未成進士散館皆授編修戊戌文端繼之以

首選除修撰父子兄弟並在詞垣提學典試交馳南北階雖
而天下翕然稱西江四載已無與比隆盛者公年十二少僕已官
翰林未幾主江南試事而公力學勤苦如寒素赴課應試率徒步
篝燈山寺誦讀常徹夜洎通籍以迄當軸起居服食唯具性坦白
無僂町履封圻居政府一切導人使盡言擇其善必推功焉外謨
則以身任務欲遮蔽過失使得竭心力比壽登耄耄以相國予告
天下遠邇尊一身具備地方大吏又率門下士及再傳弟子而公恂
恂怡怡與故鄉父老話桑麻尋釣父舊蹟訪掖後進若不及接禮
賓客雖甚卑幼皆敵體群從百數居鄉黨無子弟之過莫知為相
國孫曾者漢之石氏唐之柳氏不能過也嘉慶丁巳文瑞超授軍
機大臣戊午冬公以學差還都故事內外大臣親屬任科道者對
品迴避公宦掌京畿道例改六部員外郎純廟命以科道應升之
鴻臚寺少卿候補時常訓政燕翼謀至深遠見公才器堪大受將
試以事不欲使更滯郎署也次年眷廟親政善繼善述既補實旋

光祿寺少卿庚申春擢大理寺少卿不半年累擢詹事府詹事內閣學士兼禮部侍郎嗣是四五年間文端柄政公亦游歷卿貳及總理內務府工程處監修督堵馳驅無虛日乙丑冬南河事亟黃溜奪運達瓜洲江口西風掣高堰石工瞬息數百丈有藕粉運河碑礪高堰之謠公馳往籌度空車糧艘以俱達丙寅秋初將北轅忽授南河正督公俯劄督徐端畫走風沙夜核文簿堵合黃河之周家堡郭家房王營咸填陳家浦運河之二堡壯原墩高堰之義字填折修惠濟正越開大工次第舉矣拜太子少保及花翎之賞而各工當修治者尚多積勞遘疾不可支戊辰正月得假歸里門四月兩江總督錢保淸帑六百萬帑培汰黃隄分別銷攤歸款審廟以斯事體大命文端俯覽長文敏公赴工審度並諭文端曰清江距江西不二千里使事畢卿叔父故文端紀恩詩有此去竹林勤問訊親傳天語到柴門之句以頃刻不可離之重臣恩予往返四千里以省視公則自漢氏以來史冊紀載所未見聞蓋睿廟寄

聖之意已于是乎定矣是年冬公起病左遷都察院左副都御史
己巳春視順天學不數月以花戶積蠹案煩核辦擢倉場侍郎辛
未文端薨逝給公假一月為治喪癸酉秋抄南漕既歸太倉而東
睢工漫口改東河總督時逆匪竄聚不常曹兗濟當運道處伏莽
尤多又微山湖蓄水短絀不敷浮送公飛飭各糧道軍法部勒丁
杞水手戒嚴備行河員徧導坡水集湖以濟運空艘得盡數南下
甲戌春以吏部左侍郎召途次擢都察院左都御史抵晉禮部尚
書丙子調吏部丁丑以原官協辦大學士戊寅春入直軍機處冬
授尚書房總師傅庚辰春拜文淵閣大學士晉太子太保管理刑
部七月公偕滿相托文恪公扈灤陽園南駐蹕聖躬驟有疾遂不
豫變出倉卒從官多皇遽失措公與托相國督近侍檢御儀十數
事最後發金盒得寶書即宣示奉令上即大位率文武隨瑞邸成
禮乃發喪中外宴然公敷歷數十年凡有興作率依據成式去已
甚不事撓爬為激矯驚眾之行故事辦而無赫赫名至是乃大服

及梓宮還都郡下有謂遺詔中措語微誤者事聞托相國及公並
退出軍機處旋充實錄館正總裁偕故相國英和相度萬年吉地
督興工作甲申公年七十有九諱乞骸骨上賜詩寵行准馳內河
水驛所在官護送在籍食全俸乙酉公八十頒賞聯匾珍異有加
丁亥就加太子太師戊子重赴虎鳴既奉頒三朝耆舊之額適寶
華峪地宮滲水被嚴旨與英相國同逮籍家產合計田房衣飾才
值萬餘緡上意漸解除名放還又十三年以庚子九月初七日薨
逝高年九十有五哲嗣詩亨卜以是年十二月十八日葬某所之
原與夫人合祔禮也夫人崔氏同邑人長于公二歲前公卒十三
年長子即詩亨由縣學生廩戶部員外郎晉郎中侍養在籍以公
故褫職旋賞給七品頂戴齒幾曰耄依依膝下如嬰兒人呼為小
萊子次誠亨晉亨俱前卒公以晉亨為叔父馳贈光祿大夫
璫後孫曾孫四世孫公衡文差任主試者五庚子江南戊申湖北
俱以編修甲寅浙江以侍御甲子江南以侍郎辛巳順天以相國

任學政者四己酉四川以編修乙卯安徽以侍御庚申山東接任	以理少己巳順天接任以副憲任會試總裁者三壬戌以閣學丁	丑以參知己卯以軍機大臣一讀乙丑殿試卷一讀甲戌拔貢朝	考卷教習庶吉士者二水利差督辦東河衛家樓大工查辦南河	工程查勘直隸永定河應否改道查看山東張秋運道通阻及河	南馬工堵築者二馬工之役時當沍寒其行也上手賜酒一卮為	自來遣使所未有內官則充日講起居注直文淵閣事經筵講官	管理戶部三庫歷翰林御史鴻臚光祿大理詹事吏戶刑工四部	左右侍郎兼戶工兩部錢法堂都察院正副堂官禮吏兩部尚書	尚書房總師傳軍機大臣大學士管理刑部太子少保太子太保	太子太師外官則南陽倉場東河各總督五十年經手事宜鉅細	畢舉唯膺審廟特簡欲以公之清慎誠懇變內務府積習使為總	理而三督工程皆以獲咎嘉慶中監修吉地失察工弊奪一官褫	宮銜花翎不旋踵而俱復者聖明曲體其不逆不億也裕陵隆恩
---------------------------	---------------------------	---------------------------	---------------------------	---------------------------	---------------------------	---------------------------	---------------------------	---------------------------	---------------------------	---------------------------	---------------------------	---------------------------	---------------------------

殿專金四柱俱丈二圍大木而十五六年之頃遽致蠹朽寶華峪
泉涌地宮則皆人意料所不能及然後知舊例內務府事務不使
漢臣參預良有深意矣公門牆至盛登黃閣柄樞廷有與公相後
先者躋卿寺持節鉞陟內外臺省至百數多有可稱述而陽湖李
兆洛荆谿周濟秀水王良士雖不達並以博學雄文知名當代唯
世臣應童試時公于本署觀風集生童至千四百而榜高第止世
臣一人世臣故荒落謬以名氏為字內通儒所齒然風膽中真賞
僅一遇公世臣初隸弟子籍即承召追陪杖履袁圃傳舍尤為朝
夕馬蘭鎮行館侍談達旦習公最久公之葬也世臣與在執紼謹
次公行治以詩于麗牲之石其辭曰有福百世忠恭之慶自徽祖
揚為光庾嶺隣端揆席實行相事導公先路公猶有子公齒初壯
已賦鞅掌八十懸車永式苟長期日期頤怡神邱壑稱道不勸允
矣舊學公之經德持寶貴讓言各有蔽埋憂泉壤

康熙丙寅皇上御極之二十有五載也。治隆三代道邁百王武功振而四海澄清文德敷而萬方於變士多操縵安絃之樂野有家給人足之風議禮考文垂千秋之令憲巡方省獄洽億姓之歡心受正朔者已極雕題鑿齒之衆頌盛德者不假瑤環銀甕之詞邇隆之盛亘古以來所未及也。臣世鼎猥以樗質持節西江察吏安民而外仰見皇上崇儒重道之盛心凡有興文造士可以敷揚聖化者勉力圖維冀効萬一之私伏查南康府屬廬山之麓有白鹿書院原係唐太子賓客李渤讀書之地宋初置書院頒賜九經及朱子知南康軍疏請勅額經書塑奉先聖先賢列像聚徒講學而規制益宏自是以後代有興替我國初前撫臣蔡士英亦加修葺近復漸至廢頽遂檄令前任提督學政按察司僉事臣高瑱會同布政使臣張所志按察使臣孫蘭分巡饒九南道副使臣查培繼公同計議專委南康府知府臣周燦鳩工庀材重為修理於是廢者葺之傾者補之應創置者增飾之若殿宇以安先師堂廡以居

師長號舍以處生徒倉庖以備日用以及亭臺為觀瞻之美橋梁
為往來之需不踰時而煥然一新乃延南豐鄉紳臣湯來賀以主
洞事開筵授講四方之士負笈而至者以千百計彬彬乎極一時
之盛矣復蒙皇上允臣所請勅賜御書匾額經書隨復檄令南康
府知府臣周燦於書院內東南夾埕之地建閣一座供奉所頒書
籍以昭敬慎之忱乃榱桷飢餓之工亦僅兩月告竣時同襄其成
者見任提督學政按察司僉事臣何棟督理驛道僉事臣王克善
分巡贛南道僉事臣丁煒南康府同知臣陳琅通判臣竈立隆星
子縣知縣臣趙世福分董其役者南康府經歷臣劉從恩照磨臣
胡發也臣竊惟自古帝王凡發一令行一事非但立法制於一時
亦以垂顯庸於後世我皇上以濬哲之德建中和之極君道與師
道而並著治統僭道統以同昭今書院之興雖在一方傳之史冊
千百世而後頌皇上之聖神文武者茲亦其一端也不有紀載之

名	樂地	姓	景物	林	五雲	曰	仰	命	德	頌	又
佳	堯	翼	爭	晚	光	俞	承	一	峻	頌	何
山	曰	欣	煥	烟	油	哉	聖	人	重	曰	以
並	文	逢	賓	迷	萬	惟	化	作	熙	兩	風
峙	思	盛	客	岫	景	汝	逃	則	累	儀	示
蠡	舜	典	書	名	相	所	稽	萬	洽	嬪	奕
水	曰	曠	屋	山	地	請	儒	方	皇	化	禩
同	文	代	知	勝	諏	乃	林	以	圖	五	臣
清	明	無	軍	迹	時	命	白	正	丕	精	不
	帝	二	講	大	飛	禮	鹿	堂	振	逸	揣
	德	春	院	江	閣	臣	呦	哉	爰	運	固
	光	干	九	之	僚	併	呦	皇	及	海	陋
	華	秋	疊	右	構	咨	洞	哉	我	潤	謹
	異	羽	屏	臨	五	祕	關	於	后	日	拜
	代	禮	風	川	老	省	山	斯	惟	輝	手
	齊	明	另	彩	倚	寶	岑	為	睿	見	稽
	聲	樂	開	筆	檐	篆	功	盛	作	離	首
	轟	備	生	豐	兩	焜	成	微	聖	出	序
	轟	多	面	城	湖	煌	入	臣	既	震	次
	顛	士	羣	寶	環	琅	告	持	奏	歷	其
	萬	思	工	劍	甃	琅	悵	節	武	世	事
	古	皇	鏘	天	朝	炳	懼	濫	功	相	而
	鴻	名	錯	章	日	遙	彌	廁	亦	承	系
		教	兆	所	出	望	深	江	數	功	之
				被			帝	潯	文	高	以

贛關蠲除船稅碑記

清 宋 榮

古之關以察非常後因稅其貨豈徒為國家開利源哉蓋隱寓崇
本抑末之意俾國家不賢之貨借助於商不至重徵田畝以厲農
亦裒多益寡稱物平施之道也然緣利孔日增稅務浸重遂致漸
失其平蓋不佞肇自宦游以來南北舟車所至其蒿目於商困久
矣

今上十有七年肇自刑曹奉簡命權關於贛贛故閩粵孔道而商
賈舟楫所輻輳也肇於是日夜籌所以搜蠹剔弊凡尺斗權衡之
不如法者正之額外之賸入者已之至則例所載朝廷額餉在焉
雖欲寬而不敢也獨貨物正單外又有船稅非典制之舊稽之故
籍往時借以供修造兩關厥船及幫四季賣冊人役船夫之用今
賣冊火牌已裁而額銀又奉文解省舟車之費更何所需是船費

確乎宜革顧宜革而久不革者何也利其入而撓之者眾也不佞
竊念九江蕪湖諸關有算商貨者有算船料者大抵取此則蠲彼
未有船貨並稅如賴關之厲商者易不云乎損上益下曰益損下
益上曰損與其瘠諸商也毋甯瘠諸官且夫立法善則吾為官之
瘠止於一年法不善則商之害被於世世而無已吾奉朝廷命通
商以補不足原非病商而求有餘吾敢負吾心以負朝廷哉爰與
同官筆帖式昂居進胥吏而庭告之諭以商之疾苦船算之非制
立為蠲除猶恐後之君子復行之也故敢以不文之言勒諸石今
夫除一弊法難創一弊法易循例而行弊法尤易之易也先行者
禦人而取貨踵武者則以為當然而無過矣後之君子其慎毋輕
言復船算哉不甯惟是凡關政之無益於國有害於商而不佞智
所不及知力所不能去者一切與為改革則上利國而下利民為
官者之子孫實陰陽焉此又不佞所禱祀而求者也

知贛州府郎公德政碑

清

李元鼎

贛之臣服大清在順治之三年丙戌越六載壬辰我郎公來知郡
事凡四年已未公以從子撫軍江右例引避士民皇皇相率伏虔
臺乞雷公候代度臺為請於朝允之從民志也又一年丙申公行
百姓又相率乞再留不得乃祠而祝吟謀紀公大政之在贛者書
於石蓋願公之久於贛不可得思傳公之德澤以久於贛也適予
遊崆峒間紳士以言請予與中丞交有日壬辰予弟過廬庶常姪
仲章學使與公猶子內翰同譜諒甚篤予何敢辭竊念天子思贛
劇郡非才無以勝任而愉快也公初守潭源有能聲吏部騰其狀
以聞上特命公召贛贛至今日豈易治哉天下有時值其難眾大
遜謝不敏志士則攘袂而起乃功之易成也事處其難眾人倉皇
罔措蒙傑則奮臂以圖乃德之易見也贛兩經角距烽燧疊具戶

籍僅存者以百計幕府將軍之士櫛此闕處市肆舟車米鹽布帛
樵蘇之利悉奪之民不敢與比數也又地當閩粵之衝用武無甯
日兩王專征諸大將軍更代往來於此者五皆以此為息馬地芻
豆槽枥挫韜棚廠之屬歲取給焉館舍饒牽陸異車馬水具舟楫
人夫之推輓者幾倍是又司農以江右漕粟佐粵軍者萬計丁男
負米度嶺不止以萬計閩屬苦之瑞汀之界巨寇披猖道中梗民
無甯宇凡此開創時之難為者也至於城垣頽廢樓庫圯學宮
為武庫為馬廐鞠茂草矣生徒死喪零落武健之吏又從而摧折
之士氣盡矣牙遺之民郭無屋可處田無犢可耕一二逐末者既
不能大居積操奇贏不過錙銖蠅營而稅征之行奪之有不得其
平者以訟聞聽之以賄以干請以鍛鍊而不以其情也又時叢
脞往郡檄下屬邑如雨胥吏庾呼村落間雞犬驚吠幾無聊生之

民矣凡此皆草創後事之難為者也公深知其難初至之日以宋
趙清獻文信國知贛以惠問必實儀之且惓惓於尊養屏惡顏其
堂以自易爰詔僚吏父老而諭之曰天子以此邦畀我軍興之寄
國之大政在焉我不敢忘又曰天子以爾民畀我閭閻利病兆民
之生死寄焉我不敢怠以身為招徠曰而民來歸民來歸則勢重
而太守尊太守尊而將卒之勢乃不敢與太守抗而百姓安此交
相恃之理也於是呼而集者數萬人公之政乃次第具舉野無
不耕之士市有漸積之風王師大帥絡繹而至公治館垣戒舟車
資糧廩屨秣馬脂韋供億無乏人人稱其才往往有度師衽席而
民不知者至運米入粵公給帑募役不煩丁夫兩殲大寇靖瑞邑
民其人而廬其穴食土輸租矣最難者往年班師大將敕贛營具
善操舟者下賴石營將乃大搜居民以應雖士人不免兵民洵洵